

## **Inuit Tapiriit Kanatami ammalu Nunaqaqqaqsimajulirijikkut Canadami piliriniqaqput nungutitausimaliqullugu puvagluliqattarniq Inuit nunanganni 2030 ukiunga atuliqpat**

Ottawa, Ontario (March 24, 2024) - Angijuuqaangat Inuit Tapiriit Kanatami, Natan Obed, ammalu Minister Nunaqaqqaqsimajulirijikkunnut, Patty Hajdu, ullumi imanna uqaqsimajamingni saqqiisimalilauqupuuk:

"Puvagluliqattarniq aanniarnaq (TB) nungutitausimalirunnarmat katujjilutik piliriaqarniqtigut ammalu piliriqatigiingningitigut Inuit sivuligtigijangita, Inuit nunaligtigijangita, ammalu gavamatuqakkunnit, puraavinsiuunit, ammalu aviktuqsimaniujunit gavamagijauunit. Inuit Tapiriit Kanatami (ITK), Canadalimaami Inungnut pijjutiqaqtigijauullutik katujjiqatigiingujut Canadami, ammalu Canadami Gavamangat kajusitittisimavut pilirinirijaminnik Puvagluliqattarniq nungutitausimaliqullugu Inuit Nunanganni 2030 ukiunganut tikisimalirutta.

Puvagluliqattarniq aanniaqarnaq (TB) ungaluammarianut aktuisimalimat Inungnik ammalu Inuit nunaligtigijanginni. Ukiungit 2015 ammalu 2019 akunningini, unikkaaliangusimajut nalunaiqsisimaqattalaurningat qanuq quttingniqaqtiginingata puvagluliqsimallutik aanniaqaliqpanniujunik Inungnut nunaqaqtunit Inuit Nunanganni 300-ngiqtarunnaqsuni quttingniqsaulilaurningata asinginnit Canadami irniangusimajuuqataullutik, Nunaqaqqaqsimajuunatik inuuqatigiiktunginnit.

Tamakkua quttiluammariktuullutik quttingnirijangit Puvagluliqattarsutik aanniaqaliqattarniujut Inuit Nunaluktaangani takuksautittimmata inuusilirinirmi kiinaujaliurasuarutiuvaktut ajjigiinginniqammaringniujunik - suurlu iglumiuqatigiit inugialuauqtuuninginnik, niqigijaksanik pisimalirunnaqattanginniq, tuluqtarviqarniujunik aanniaqsiurtilirijutinut ammalu akhluluaqtuuni - isumagilugit Inuit ammalu asingit inuuqatigiiktuit Canadami ammalu qanuilingaliqtittisimaniujut kajusiinnaqtuulluni aktuisimalirningita nangminiq aulatsiniqarunnaqtittinnginnijut aanniaqsiurtilirijutinik.

Nuvagjuarnaq 19-mik COVID-19) silarjualimaami aanniaqaliqsimavanniq nalunaiqsisimajutaulaurmat pimmarijuuningata aaqqigiaqtausimalirlutik Inungnit sivuligtigarlutik kikkutuinnait aanniaqsiurtilirijikkut sapujjigiatqaliriaqarnigita ammalu taimaujariaqallariktuullutik piliriaqatqariaqarnirmik Inuit pijjutiqaqtigijauullutik katujjiqatigiinginnik kikkutuinnait aanniaqsiurtilirijikkut tuaviurnaqtuliriliqsimaninginni. Puvaglulirniq aanniarnaq piluaqtummariammat, kisanilu aanniaqaliqtalijjutiksatisigut piliriangusimalirunnarsuni ammalu aanniarnaq aaqqiksimalirunnaqsuni.

2018 ukiungani, Canadami Gavamangat ammalu Inuit Tapiriit Kanatami piliriaksaqalilaurmata piliriqatigiingniarnirminnut nungutitausimaliqullugu Puvagluliqattarniq (TB) Inuit Nunanganni ukiunga 2030-mut tikilauqqaartinnata. Canadami Gavamangat sivulliqaamik kiinaujanik qiturnguqtittisimalilauqput \$27.5-miliantaalanik kiinaujaqtuqatittillutik aaqqiksuijjutiksanic ammalu atuligtitauniksangita Puvagluliqattarniup Nungutitausimaliqullugu piliriangulirniaqtunut parnautinik turaangatitausimaniqaqtunik atuniq sitamaullutik aviktuqsimaniujunut Inuit Nunanganni: Inuvialuit Aviktuqsimaningit, Nunavut, Nunavik ammalu Nunatsiavut.

Canadami Gavamangat ammalu Inuit Tapiriit Kanatami angirutiqaqsimalilauqtut qanulimaat piliririjunnaqtattigut piliriniqarniarnittinnik tikiutisimalirunnaqulluta Puvagluliqattarniup nungutitausimalirviksanganut Inuit Nunanganni ukiunga 2030-mut tikilauqqaartinnata."

**Taakkununga tusaqtitaukkannirumajut, tusagaksalirijit qaujigiarviqarunnaqput uvanngat:**

Jennifer Kozelj  
Allavinganit Minister Patty Hajdu  
Minister-rijaujuq Nunaqaqqaqsimajulirijikkunnut ammal Minister-rijaujuq piliriaqaqtiulluni  
FedNor-kunnut  
[Jennifer.Kozelj@sac-isc.gc.ca](mailto:Jennifer.Kozelj@sac-isc.gc.ca)

Tusaqaksalirijit  
Nunaqaqqaqsimajulirijikkut Canadami  
819-953-1160  
[media@sac-isc.gc.ca](mailto:media@sac-isc.gc.ca)

Inuit Tapiriit Kanatami  
[media@itk.ca](mailto:media@itk.ca)

Atasimavvigilugit

Ilagijaulutit uqallausiqaqtiillugit Nunaqaqqaasimajunik Canadami:  
[@GCIndigenous](#)  
[@GCIndigenous](#)  
[@gcindigenous](#)